## Barriers.

These invisible barriers are nothing out of the ordinary, whether between yourself and somebody close, or yourself and somebody you would like to be close – or often enough between yourself and the rest of humanity.

There are barriers atween us That check an divide; It's like the great Wall o China Wi you upon the ither side.

Mair like high lofty mountains, Steep, rugged an wide, Rearin up like the Rockies Wi you upon the ither side.

Or a gulf deep an dauntin, Wi a rough roarin tide, Like the wild Corrievreckan Wi you upon the ither side.

Sae it's shairly nae wonder That sometimes I slide In the depths o depression, Wi you upon the ither side.

An if you were an angel, Ye'd maybe spread yer wings an glide Ower aw that lies atween us Tae me upon the ither side.